

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

PENNY plus d.o.o. Sarajevo, Igmanska bb, Vogošća-Sarajevo, ID broj: 4200162210002, koga zastupa direktor Almedin Kadrić (u daljem tekstu: Dobavljač)

zaključili su:

UGOVOR O NABAVCI ELEKTRIČNIH UREĐAJA ZA GRIJANJE PROSTORA

Član 1.

Predmet ovog ugovora je nabavka električnih uređaja za grijanje prostora, i to:

- BOSCH konvektor 2500W „Tronic 1000“ – 15 kom,
za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj 02-11-4-5473/20 od 30.12.2020. godine.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: 20-0100-004727 od 31.12.2020. godine i na osnovu koje je i sačinjen ovaj ugovor.

Ponuda Dobavljača broj 20-0100-004727 od 31.12.2020. godine je sastavni dio ovog ugovora.

Član 3.

Ukupna vrijednost predmetne nabavke iznosi do 1.955,42 (jednahiljadadevetstotinapedesetpet i 42/100) KM bez PDV-a.

Cijena i ostali elementi ovog ugovora se ne mogu mijenjati.

Član 4.

Dobavljač se obavezuje da će robu iz člana 1. ovog ugovora isporučiti najkasnije u roku od 2 (dva) dana od dana prijema narudžbenice, na adresu Ugovornog organa, o kojoj će Dobavljač biti naknadno obaviješten pismeno putem narudžbenice.

Sve troškove isporuke do primopredaje, kao i troškove reklamacije snosi Dobavljač. Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene nabavke iz člana 1. i 2. ovog ugovora.

Član 5.

Ugovorni organ i Dobavljač će obaviti zapisnički prijem robe. U zapisnik se unosi količina isporučene robe te evidentiraju mogući vidljivi nedostaci na istoj.

Ukoliko je roba isporučena bez nedostataka/uredno u zapisniku će se konstatovati „isporuka i prijem izvršeni bez primjedbe“.

Član 6.

Plaćanje za isporučenu robu će se vršiti u roku od 15 (petnaest) dana od dana uredne isporuke robe i dostavljanja fakture, na tekući račun Dobavljača.

Član 7.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 8.

Garancija Dobavljača na isporučenu robu je 24 (dvadesetčetiri) mjeseca i počinje da vrijedi od datuma isporuke.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 9.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.


Član 11.

Ovaj ugovor je zaključen, kada isti potpišu obje ugovorne strane i traje do uredne realizacije ugovorenih obaveza ugovornih strana.

Član 12.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
PENNY plus d.o.o. Sarajevo


direktor Almedin Kadrić

Broj : PPS F-1P-54 318/2020
Datum: 31.12.2020. godine

UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Nusret Selimović

Broj: 02-11-4-5473-2/20
Datum: 31.12.2020. godine